



Po nalogu Tužilaštva BiH u Vlasenici i Han-Pijesku izvedena akcija SIPA-e

Uhapšena trojica zbog ratnih zločina

Po nalogu Tužilaštva BiH, SIPA-a je na području Vlasenice i Han-Pijeska uhapsila Mileta Kosorića (1953.), nekadašnjeg komandant Vlaseničke brigade, Radu Garića (1974.) nekadašnjeg komandira Inter-

ventnog voda, i Momčila Tešića (1963.), nekadašnjeg vojnog policajca. Na području Han-Pijeska i Vlasenice jučer su pretresani objekti koje koriste osumnjičeni Kosorići i Garić.

- Osumnjičeni su pod is-

tragom Tužilaštva BiH zbog krivičnih djela ratnog zločina i pomaganja u genocidu. Radi se o istrazi vezanoj uz događaje u mjestu Luke kod Vlasenice, koji se odnose na prisilno izdvajanje civila iz konvoja koji su

napuštali zaštićenu zonu nakon pada Srebrenice, u julu 1995. godine, te zatvaranje odvojenih civila u školi, odakle su odvedeni na lokalitet Mršića i Jarovlja, gdje su ubijeni – saopćeno je iz Tužilaštva BiH.